

legii paginam apostolica auctoritate statuimus, ut quaecumque in praesenti vestrum Coenobium iuste possidet, sive in futurum concessione Pontificum, liberalitate Principum, vel oblatione fidelium, iuste atque canonicè poterit adipisci, firma tibi tuisque successoribus, & illibata permaneant. Decernimus ergo, ut nulli omnino hominum liceat, idem Coenobium perturbare, aut ejus possessiones auferre, vel ablatas retinere, vel injuste datas suis usibus abdicare, minuire, vel temerariis vexationibus fatigare; sed omnia integra conserventur, eorum, pro quorum sustentatione & gubernatione concessa sunt, usibus omnimodis profutura. Porro de Monasterio S. Sophiae, intra Beventum sito, sive de Monasterio Bandusino, nullo loco vestro praedictum evenire volumus pro privilegiis, quae nos, munimentorum vestrorum ignari, eisdem Monasteriis contulisse cognoscimus; sed praedecessorum nostrorum munimina Cassinensi Coenobio collata proprium robur obtineant. Eorundem enim & nos vestigiis insistentes, Cassinense Coenobium ceteris per Occidentem Coenobiis preferendum asserimus, & tam te quam successores tuos in omni Conventu Episcoporum seu Principum superiores omnibus Abbatibus confedere, atque in iudiciis priorem ceteris sui ordinis viris sententiam proferre sancimus. Usum Compagorum, ac Chirothegae, Dalmaticae, ac Mitrae praeter Kardinalatus jus, quo in Sede Apostolica fungeris, tam tibi quam successoribus tuis in praecipuis festis habendum concedimus. Sane tam in ipso venerabili Monasterio quam & in cellis ejus, cuiuslibet Ecclesiae Episcopum vel Sacerdotem praeter Romanum Pontificem ditionem quamlibet aut excommunicandi, aut interdicendi, aut ad synodum provocandi praesumere prohibemus; ita ut nisi ab Abbate vel Priore loci fuerit invitatus, nec Missarum solemniam inibi audeat celebrare: Liceatque ipsius Monasterii & cellarum ejus fratres vel clericos cuiuscumque Ordinis, de quocumque Episcopatu ad conversionem venientes, absque Episcoporum contradictione suscipere: Liceat, absque cuiuslibet secularis vel ecclesiasticae potestatis inhibitione, subjectos Monasteriis suis tam Monachos quam Sanctimoniales feminas iudicare: Liceat etiam Fratribus pro cellis in civitatibus constitutis ad divina officia celebranda, quodcumque voluerint, signa pulsare: Christina, Oleum sanctum, consecrationes Altarium sive Basilicarum a quocumque volueritis catholico accipias Episcopo: Baptismum vero per clericos vestros in Oppidis vestris seu Villis agatis. Reditum, qui ab Officialibus nostris apud Hostiam vel Portum de navibus exigi solet, navi vestrae, si qua eò venerit, relaxamus. Ad perpetuum etiam hospitium tibi tuisque successoribus Palladii cellam concedimus, ut de vestra illic Congregatione, quem volueritis, ordinetis; quem si forte Romano Pontifici in Abbatem promovere placuerit, omnino tamen tamquam vestrae Congregationis Monachum sub vestra decrevimus dispositione persistere. Obeunte autem te, nunc ejus loci Abbate, vel tuorum quolibet successorum, nullus ibi qualibet subreptionis astutia seu violentia praeponeatur, nisi quem fratres communi consensu, vel fratrum pars consilii sanioris, secundum Dei timorem, & beati Benedicti regulam elegerint. Ad haec tam

Decretum immunitatis ab omni molestia.

Declaratio, quod ex privilegiis Monasterii S. Sophiae, ac Bandusino nuper concessis, nullum Cassinense praedictum inferatur.

Privilegia omnia eidem confirmantur.


Cella Palladii in Urbe eidem conceditur in hospitium.

Abbas a Monachis eligendus.

praesentium quam futurorum avaritiae ac nequitiae obviantes, omnes omnino seditiones, quas levas dicunt seu direptiones in cuiuscumque Abbatis morte aut electione fieri, auctoritate apostolica interdicimus. Si quis sane in crastinum Archiepiscopus, aut Episcopus, Imperator, aut Rex, Princeps, vel Dux, Comes, Vicecomes, Judex, aut ecclesiastica quilibet secularisve persona, hanc nostrae constitutionis paginam sciens, contra eam temere venire praesumpserit, secundo tertiove communita, si non satisfactione congrua emendaverit, potestatis honorisque sui dignitate careat, reamque se divino iudicio existere de perpetrata iniquitate cognoscat, & a sacratissimo Corpore & Sanguine Dei & Domini Redemptoris nostri Jesu Christi aliena fiat, atque in extremo examine districtae ultioni subjaceat. Cunctis autem eidem loco iusta servantibus sit pax Domini nostri Jesu Christi; quatenus & hic fructum bonae actionis percipiant, & apud districtum Iudicem praemia aeternae pacis inveniant. Amen. Amen.

Scriptum per manum Petri Scriptorii sacri Palatii.

Claufula.



Dat. die 27. Martii anno Domini 1097. Pontif. an. x.

Datum Laterani per manum Johannis S. R. E. Diaconi Cardinalis VI. Kal. Aprilis Indict. V. anno Domini. Incarn. MXCVII. anno autem Pontificatus Domini Papae Urbani Secundi X.



Pri.

XLIII.

Privilegium Verulensi Ecclesiae.

Ex Tabulario Ecclesiae huius editis Ughell. Ital. Sac. Tom. I.

Exordium.

Confirmantur donationes huic Ecclesiae hucusque factae, vel in posterum faciendae.

Urbanus Episcopus Servus Servorum Dei, dilecto fratri Alberto Verulensi Episcopo ejusque successoribus canonicè substituendis, in perpetuum.

Iustis votis assensum praebere, iustisque petitionibus aures accommodare nos convenit, qui licet indigni iustitiae custodes atque praecones in excelsa Apostolorum Principis Petri & Pauli specula positi, Domino disponente videmur existere. Tuis igitur, frater in Christo charissime Alberte, iustis petitionibus annuentes, S. Verulanam Ecclesiam, cui auctore Deo praesides, Apostolicae Sedis auctoritate munimus. Statuimus enim, ut quaecumque eidem venerabili loco a quibuslibet hominibus de proprio jure jam donata sunt, vel in futurum concessione Pontificum, liberalitate Principum, vel oblatione fidelium, Deo miserante collata fuerint, firma tibi tuisque successoribus, & illibata permaneant. Vallis scilicet de Literana cum affinis suis, Lacuse cum pertinentiis suis, Astianum, Patena, Mundeganum, Paternum, Cassale, Cripta Anselmi, Cassianum cum eorum pertinentiis, Ecclesiae S. Crucis, S. Mariae, quae dicitur Rutunda, sancti Archangeli, S. Mariae de Paretis cum pertinentiis suis, Molendinum, quod est in Masena, cum pertinentiis suis, Ecclesia S. Stephani, & S. Viti cum pertinentiis earum, Ecclesia S. Cosmae & Damiani cum pertinentiis suis, Ecclesia S. Angeli de Forgna cum Sylvio & territoriis suis, Ecclesia S. Joannis in territorio Frusinonis, quae sita est juxta flumen Casam, cum omnibus ad ipsum pertinentibus, lacus de Masciano, & quicquid in territorio Surrici per authentica chartarum monumenta eidem Verulanam Ecclesiam pertinere cognoscitur. Per ipsam itaque tam tibi quam tuis successoribus Episcopali jure regendam perpetuo, ac disponendam concedimus, atque firmamus Civitatem Verulanam cum omnibus adjacentibus Ecclesiis, vel foris Trusinionem, cum omnibus suis. Oppida Turricis, Larnaria, Paphen cum Ecclesiis S. Petri & S. Columbae, Monasterium S. Silvestri, Ripas Castrum, Monte-nigrum, Fabrateriam cum finibus & pertinentiis earum, Ceperaaum, Cannetum, castellum Novum, Strangulagalum, Carpenum, montem S. Joannis cum ejusdem nominis Monasterio, Ecclesiam S. Petri de Arenula, S. Pudentianae, Babueum cum omnibus Ecclesiis eidem castello adjacentibus, duo praeterea Canonicorum Monasteria, unum videlicet S. Paterniani, alterum S. Petri de Canneto, Ecclesiam S. Joannis in Ceperano, & S. Magni cum omnibus aliis, Ecclesiam S. Benedicti inter Castrum & montem Nigrum sitam cum suis omnibus pertinentiis, Ecclesia S. Angeli de Meruleta, & S. Stephani cum omnibus aliis, tuae tuorumque successorum dispositioni perpetuo subesse sancimus. In Monasterio Monachorum, quod dicitur SS. Joannis & Pauli, quicquid ad antiquum Verulani Episcopii jus canonicè pertinet, integrum vobis perpetuo servari censuimus, salva nimirum nostrae S. R. Ecclesiae Bull. Rom. Tom. II.

reverentia. Ad haec per praesentis privilegii paginam apostolica auctoritate decernimus, ut nulli omnino hominum liceat eandem Ecclesiam temere perturbare, aut ejus possessiones auferre, aut sub cuiuslibet causa occasioneve specie minuire, sive suis usibus applicare, vel aliis, quasi piis de causis, pro suae avaritiae excusatione concedere; sed omnia integre conserventur, tam vestris quam Clericorum ac pauperum usibus omnimodis profutura. Si quis igitur Sacerdotum, aut Clericorum, Imperatorum, aut Regum, Principum, aut Ducum, Comitum, Vicecomitum, Iudicum, vel quorumlibet magnarum parvarumque personarum, hanc nostrae constitutionis paginam sciens, contra eam temere venire praesumpserit, potestatis honorisque sui dignitate careat, reumque se divino iudicio existere de perpetrata iniquitate cognoscat; & nisi ea, quae ab illo sunt male ablata, restituerit, vel digna poenitentia illicite acta desolverit, a sacratissimo Corpore & Sanguine Dei ac Domini Redemptoris nostri Jesu Christi alienus fiat, atque in extremo examine districtae ultioni subjaceat. Cunctis autem eidem loco iusta servantibus sit pax D. N. J. C. quatenus & hic fructum bonae actionis percipiant, & apud districtum Iudicem praemia aeternae pacis inveniant. Amen. Amen. Amen.

Decretum pro immunitate ejusdem Ecclesiae, ac bonorum ejus

Solite clausula.

Dat. anno Domini 1097. Pont. anno x.

XLIV.

Oscitanae Civitati Episcopalis dignitas restituitur: ac Bona omnia, Ecclesiae huic ab Aragoniae Regibus concessa, confirmantur.

Urbanus Episcopus Servus Servorum Dei ven. fratri Petro Oscensi Episcopo, ejusque successoribus canonicè promovendis, in perpetuum.

Ex Concilio Tom. xii. col. 774.

Miserationibus Domini multiplices a nobis gratiarum habentur actiones, quia post multa annorum curricula nostris potissimum temporibus christiani populi pressuras relevare, fidem exaltare dignatus est. Nostris siquidem diebus in Asia Turcos, in Europa Mauros Christianorum viribus debellavit, & urbes quondam famosas religionis suae cultui gratia propensiore restituit: inter quas Oscam quoque Pontificalis cathedrae urbem Saracenorum tyrannide liberatam charissimi filii nostri Petri Aragonensis Regis instantia catholicae suae Ecclesiae conformavit. Aequum igitur fore perpendimus, ut & nos omnipotentis Dei benignitatem, ipso praestante, liberalitate sanctae Sedis Apostolicae prosequamur; & cui multiplice miseratione ipse dei suae reddidit libertatem, & nos quoque restituamus Episcopalis Cathedrae dignitatem. Praesentis ergo Decreti auctoritate statuimus, ut eadem Oscitana Ecclesia, totius parochiae, quae nunc Jaccensi Ecclesiae subdita est, & in ipsius Jaccensis Ecclesiae caput deinceps temporibus perpetuis habeatur. Locus autem Episcopalis Cathedrae in majori illa Mazcita servetur, quam San-

Exordium.

Oscita Civitas per Petrum Aragoniae Regem a Saracenorum tyrannide liberata.

Episcopalis efficitur.

Ac Jaccensis Ecclesiae caput.

Confirmatur eidem Domini notiones omnes Regum Aragonie.

cii Regis dono, Saracenorum temporibus Canonici Domini nostri Jesu Christi Nazareni possederant; sed Petrus ejus filius Rex tuæ fraternitati capta civitate concessit; cujus etiam dona catera vestre Ecclesie collata, nos presentis Decreti auctoritate firmamus, & universa prædia sive possessiones, aut redditus vestigialium seu tributorum, quæ bo. mem. Ranimirus Rex, presentis Regis Petri in Domino carissimi filii avus, cum filio suo Sanctio Iaccensi Ecclesie per regalis excellentie Scripta concessit, nos largiente Domino supradictæ Oſitanæ Ecclesie illibata in perpetuum permanere, censemus; sicut etiam idem Rex Petrus in oblationis sue literis optasse ac statuisse cognoscitur: exceptis nimirum his, quæ præfatus ejus filius Sancius Rex unâ cum filio suo Petro sæpe superius nominato, consentientibus prædecessoribus tuis Sanctio & Garfia, te quoque idipsum confirmante, de illa Ranimiri parentis sui constitutione mutavit. Item tam tibi quam successoribus tuis, & Ecclesie vestre in perpetuum stabilimus, quidquid ab egregio Rege Sanctio oblatum cognoscitur: his exceptis, quæ de ipsius chirographo præfatus Rex Sancii filius, consentientibus Ecclesie tue Clericis, & eximio Præposito Canonice D. N. Jesu Nazareni, teque idipsum confirmante, mutavit.

Confirmatur quoque Concordia inter Ep. Oſitanum, & Clericos Ecclesie D. N. J. Nazareni.

Venientes enim ad nos Sedis tue Archidiaconus Lupus, & idem eximius Ecclesie D. N. Jesu Nazareni Præpositus, in nostra audientia collaudaverunt, & mutuo consensu confirmari petierunt diffinitionem illam, quæ inter te & filium nostrum Petrum Aragonensem seu Pamplonensem Regem acta est apud castrum Calafanz, de rebus ac redditibus Ecclesie tue, & Canonice D. N. Jesu Nazareni. Dilectio siquidem tua quartam decimarum partem de toto Monte Aragonæ, & quicquid præter animarum curam, & Ecclesiarum seu Clericorum consecrationem ad se Episcopali jure pertinebat, intercedente supradicto Rege, illius Canonice Clericis tradidit, & scripti cautione firmavit. Illi vero medietatem decimarum, quam de Oſitana civitate per manum ejusdem Regis accipere consueverant, tuæ tuorumque successorum ditioni restituerunt. De laboribus autem domus Regis decimarum medietas tibi, & Episcopalis cathedre Clericis altera autem medietas Canonice D. N. Jesu Christi mutua caritate convenit. Cætera vero omnia secundum Sancii bo. mem. Regis, & supradicti ejus filii chirographo communi concordia statuitis, & a nobis eadem stabiliri per supradictos Nuncios postulastis.

Assignatur Dicesis.

Ad hæc adjicientes statuimus, ut parochiarum fines, qui adhuc Saracenorum oppressione detinentur, ad Oſitanam Ecclesiam antiquo jure pertinentes, in idipsum referantur, cum eas omnipotentis Dei dignatio christiana restituerit ditioni. Hasien quoque Canonicam nostri juris, quam supradicti Ranimiri Regis filius, Petri vero Regis avunculus, Sancius Comes, suo studio ædificatam, sanctæ Romane Ecclesie obtulit, nos tam tibi quam successoribus tuis, & Ecclesie vestre Canonice, Apostolicæ Sedis decreta servantibus, & gratiam obtinentibus, regendam seu disponendam secundum fundatoris votum committimus; eo videlicet tenore, ut & Regularem illic disciplinam servari attentius faciatis, & ex loco ipso censum annum Letera-

nensi Palatio auri unciam dimidiam persolvatis. Præter hoc universa decimarum seu primitiarum debita tam ex ipsa civitate Oſca, quam ex cæteris finibus, quos ad eam Episcopali jure pertinere consiterit, tam tibi quam tuis successoribus canonice ordinatis, seu cathedre ipsius Clericis, confirmamus, præter illam redditum partem, quam supradicti Regis Petri precibus fraternitas tua Jesu Nazareni Canonice benigne liberalitate concessit. Si qua igitur ecclesiastica seculari sive persona, hanc nostræ constitutionis paginam sciens, contra eam temere venire tentaverit &c.

Datum Laterani per manum Johannis S.R.E. Diaconi Cardinalis, V. Idus Maji Indictione VI. Incarnationis Dominicæ anno MXCVIII. Pontificatus autem Domni Urbani II. Papæ anno XI.

Dat. die 11. Maji ann. Domini 1098. Pontif. an. xi.

X L V.

Privilegia Monasterio SS. Trinitatis de Cava, cæterisque in Diocesi Salernitana constitutis Monasteriis, concessa in præjudicium Archiepiscopi, irritantur cum Decreto, ut quæ ab eisdem Monasteriis post mortem Gregorii VII. sunt acquisita, suis reddantur Ecclesiis.

Ex Copiis ab Autographo editis Ugbell. Ital. Sac. Tom. vii.

Urbanus Episcopus Servus Servorum Dei Alphano S. Salernitanæ Ecclesie Archiepiscopo suisque successoribus.

Quia Monasterio S. Trinitatis, quod in vestra Parochia situm est, precibus P. Abbatis ejusdem Monasterii, pro charitate fratrum in eo religiose viventium, libertatem concessimus, & illud sub tuitione & subjectione solius S. R. E. recepimus, & ipsi Abbati suisque successoribus concessimus, ut Abbatis benedictionem a Romana tantum Ecclesia reciperent: & Ecclesiarum, & Altarium, & Clericorum consecrationes a Salernitano Archiepiscopo acciperent; si catholicus esset, & nostram successorumque nostrorum gratiam haberet, alioquin præfato Abbati suisque successoribus liceret a quocumque vellent Episcopo prædicta recipere: Modo vestre Ecclesie privilegia videntes, quæ prius ignorabamus, in veritate comperimus, quod antecessores nostri Ecclesie vestre concesserint omnes Ecclesias, & omnia Monasteria tam constructa quam construenda, sive infra civitatem sive extra, ut eidem subiecta Ecclesie vestre, & integrum jus in ipsis & in Clericis earum haberet, sicut Canones SS. Patrum præcipiunt. Advertimus tandem, nobis persuasum fuisse contra Canones SS. Patrum & contra auctoritatem antecessorum nostrorum de omnibus suprascriptis, quæ præfato Abbati suisque successoribus concesseramus. Ideoque suprascripta omnia per subreptionem nobis suggesta advertimus, & advertentes irrita... deinceps fore decernimus; & Ecclesie vestre, ac vobis vestrisque successoribus de prædicto Monasterio & de aliis Monasteriis, & de omnibus Ecclesiis, vel Clericis eorum secundum Canones sanctorum Patrum, & secundum Privilegia antecessorum nostrorum, vestre Ecclesie facta, canonicum jus reddimus in integrum. Præterea si prædictum Monasterium vel alia

Illud irritat;

Totumque jus Salernitanæ Archiepiscop. restituit.

Bona vero, quæ Monasteria ante Gregorium VII. obtinuerunt, eisdem confirmantur. Cætera suis redditibus Ecclesiis. alia Monasteria aliquas Ecclesias habuerunt in Parochia vestra ante decreta venerabilis mem. Gregorii VII. Papæ antecessoris nostri, illi habeant. Quod si prædictum Monasterium, & reliqua Monasteria aliquas Ecclesias post decreta præfati Papæ in vestra Parochia, vestra sive concessione, vel prædecessorum & successorum vestrorum, quomodolibet acquisierunt vel acquisierint, Ecclesie vestre illas reddimus & stabilimus. Tantum si prædicto Monasterio, aut reliquis Monasteriis quamlibet injustitiam aliquis fecerit, & propterea ad auxilium Romane Ecclesie confugerint, tuitione nostra & successorum nostrorum illa non repellimus. Datum Romæ anno Dominicæ Incarnationis MCXVIII. mens. Maji, Indi. VI.

Dat. mens. Maji an. Domini 1098. Pontif. xi.

X L V I.

Confirmatio S. Urgellensis Ecclesie, bonorumque ad eam spectantium.

Ex Chartulario Ecclesie hujus editis Baluzii in Appendice ad Marcam Hispan. loc. cit. num. cccxx.

Exordium.

Urbanus Episcopus Servus Servorum Dei, dilecto Fratri Odoni Urgellensi Episcopo, ejusque successoribus canonice promovendis, in perpetuum.

Bona ad hanc Ecclesiam spectantia confirmantur;

Iustis votis assensum præbere, justisque petitionibus aures accomodare nos convenit, qui, licet indigni, justitiam custodes atque præcones in excelsa Apostolorum principum Petri & Pauli specula positi Domino disponente videmur existere. Tuis igitur, frater in Christo carissime Oddo, justis petitionibus annuentes, sanctam Urgellensem Ecclesiam, cui auctore Deo præfides, Apostolicæ Sedis auctoritate munimus. Statuimus enim, ut universa, quæ juste ad eandem Ecclesiam sive parochiali sive proprietario jure pertinere noscuntur, tibi tuisque successoribus libera semper & illibata serventur: scilicet Cerdaniensis pagus, Libanensis, Bergitanensis, Paliariensis, Libacurcensis, Gestabensis, Cardosensis, Anabiensis, Tirbiensis, & locum sanctæ Deodate cum finibus suis, castrum de Gifona cum omnibus terminis suis, castrum de Lanera cum finibus suis, castrum Cellona, & Ecclesia beate Mariæ Cellonæ cum omnibus sibi pertinentibus, castrum Aguda de Vallearia cum finibus suis, castrum Cluse cum finibus suis, castrum Figerola & Fontaned cum omnibus eorum pertinentiis, castrum Perarva, castrum Salient, & villa Montaniocel, & de Cubilar cum finibus eorum, castrum Corneliana cum terminis suis, & villa Tossen cum finibus suis, castrum Turris, & villa Bicarana, & villa Archevel cum earum pertinentiis, & vallem Andorra cum omnibus finibus suis, castrum Rivi Matrici, castrum Colomers, castrum Sarred, castrum Arnall, castrum Archalis cum omnibus eorum pertinentiis, & villa Saort, & villa Laguanes, & villa Aquatepida, Calbiciniano, & Feners, & Submonte, & Alais, Leton, Clopedera, Ges, Sardinæ, amba Nocolonæ, ambo Boxedera, villam sancti Stephani, & villam ipsius Sedis Urgellensis cum omnibus earum pertinentiis: In Aufonensi parochia, castrum de Turrizella, castello subtus Menresia, salvo parochiali jure Aufonensis Episcopi. Confirmamus etiam tibi tuisque successoribus tertiam partem

telonei sive mercati in omnibus locis ad vestrum Episcopium pertinentibus, primitias quoque ac decimas secundum canonicas sanctiones distribuendas. Quicquid præterea in præsentiarum vestra Ecclesia juste posside, sive in futurum juste atque canonice poterit adipisci, tibi tuisque successoribus firmum semper integrumque permaneat. Ad hæc adjicientes statuimus, ut parochie vestre Clerici nullius secularis potestatis districtio-nibus addicantur; sed juxta sanctorum Canonum instituta Episcopali semper sint subditi discipline. Si quis sane in crastinum Archiepiscopus, Imperator, aut Rex, Princeps, aut Dux, Marchio, Comes, Vicecomes, Judex, aut ecclesiastica qualibet seculari sive persona, hanc nostræ constitutionis paginam sciens, contra eam temere venire tentaverit, secundo tertiove commonita, si non satisfactione congrua emendaverit, potestatis honorisque sui dignitate careat, reamque se divino judicio existere de perpetrata iniquitate cognoscat, & a sacratissimo Corpore ac Sanguine Dei & Domini Redemptoris Nostri Jesu Christi alienus fiat, atque in extremo examine districtæ ultioni subjaceat. Cunctis autem eidem loco justa servantibus sit pax Domini nostri Jesu Christi, quatenus & hic fructum bonæ actionis percipiant, & apud districtum Judicem præmia æternæ pacis inveniant. Scriptum per manum Johannis sanctæ Romanæ Ecclesie Scribarii, Constantini filii in mensis & Indictione subscripta. Datum Laterani per manum Johannis sanctæ Romanæ Ecclesie Diaconi Cardinalis, VIII. Idus Aprilis, Indictione VI. anno Dominicæ Incarnationis MCXVIII. Pontificatus autem Domni Urbani Secundi Papæ XI.

Statutum pro immunitate Clericorum.

Solite clausura.

Dat. die 6. Aprilis anno Domini 1098. Pontif. an. xi.

X L V I I.

Salernitanis Archiepiscopis Primatus super Conſanam, & Acheruntinam Ecclesias confirmatur: cum Decreto, quod cum illorum consilio istarum Archiepiscoporum eligantur, obedientiam illis præstentur.

Urbanus Episcopus Servus Servorum Dei, dilecto Fratri Alfano Salernitano Archiepiscopo ejusque successoribus canonice promovendis, in perpetuum.

Ab Exemplari edit. Ugbell. Ital. Sac. Tom. vii.

Exordium.

Singulare semper Sedis Apostolicæ privilegium claruit, subiectas sibi per orbem terrarum Ecclesias & auctoritate disponere, & benignitate clementius confovere: quibus autem superæ Majestatis dignatio gratiæ plenior contulit largitatem, ipsa etiam consuevit excellentiorem contribuere dignitatem. Unde non immerito extimamus, Salernitanam amplioribus nostræ benignitatis muneribus honorandam, quam omnipotens Dominus eximie suæ donationis prærogativa per misericordiam gratuitam sublimavit. Ex novissimis namque terrarum finibus B. Matthæi Apostoli & Evangelistæ corpus ad hanc deferri, apud hanc haberi, clementissima suæ dispositionis dignatione permisit: Cujus scilicet Apostoli quanta sit in Deo & Ecclesia gloriæ excellentia, collatorum divinitus munerum gratia cumulate demonstrat. Hic enim, pri-

Salernitanæ Ecclesie decus.